

Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. I. Præmittitur quod apud omnes est certum, & difficultas resolvitur

[urn:nbn:de:hbz:466:1-77355](#)

DE PECCATO COMMISSIONIS ET OMISSIONIS. 391

- negatio disformitatis cum praecipitis aliarum virtutum: unde potest studio talis bonitas moralis non convenire, vel ratione contrarietatis cum regulis studiositatis, vel ratione disformitatis cum regulis aliarum virtutum: quando primo modo non convenit, malitia contra studiositatem reperitur in actu studij; quando autem secundo modo, est in tali actu negatio bonitatis moralis virtutis studiositatis, non vero malitia contra hanc virtutem.
- 137.** Dices: Bonitas moralis studiositatis consistit in conformitate cum regula illius: Ergo si studium in illo casu est conforme tali regule, gaudet bonitate morali studiositatis; & si non conformatur illi, est malus malitia opposita tali virtuti.

Respondeo primò, bonitatem moralem petere formalem conformitatem actus cum regula; ut autem actus malus non sit, sufficere materialem conformitatem, quia hoc sola præcipitur. Ceterum quando studium influit in omissionem culpabilem, est solum materialiter conforme regulæ studiositatis, & ideo nec est bonum bonitate morali studiositatis, nec malum malitiæ illi opposita.

Vel secundò respondeo, ad bonitatem moralem studiositatis requiri conformitatem cum regula illius directè, & de connotato negationem disformitatis cum praecipitis aliarum virtutum: unde licet voluntas studendi sit in casu allato conformis regulis studiositatis, non gaudet tamen honestate morali illius, quia est disformis regulæ religionis.

§. IV.

Corollaria notata digna.

- 138.** Ex dictis intelliges actum qui est causa omitendi, & ipsam omissionem, non solum unum specie, sed etiam numero peccatum moraliter reputari; nisi alias actus, qui est causa omitendi, ex sua specie & objecto sit malus; unde in confessione non est necesse explicare actum ex quo causatur omissionis, si ex sua specie & objecto non sit malus, sed sufficit ipsam actum debiti omissionem declarare.

Patet hoc corollarium: Nam ita se habent actus qui est causa omitendi, & ipsa omissionis, sicut actus interior voluntatis, & actus exterior ab eo caufatus, vel sicut imperium, & actus imperatus: Atqui actus interior & exterior non sunt duo numero peccata, sed ex illis unum numero peccatum in genere moris confurgit, quod in interiori incipit, & in exteriori consummatur, ut in tractatu de moralitate actuum humana. **D**is. 7. notum vobis est: item imperium & actus imperatus, v. g. intentio & electio, moraliter loquendo unum tantum numero peccatum censetur; quia ubi sunt multa propter unum, praesertim in moralibus, non censetur esse nisi unum, ut docet D. Thomas in 2. dist. 42. qu. 1. art. 1. his verbis: *Contingit esse actus plures secundum quod ad genus naturæ referuntur, qui tamen sunt unum secundum quod in genere moris considerantur; ut patet in eo qui furatur, quia omnes actus ejus qui ad finem furti ordinantur, peccatum sunt, cum mala intentione sint; qui possunt valde multi esse, & tamen omnes computantur ut unum peccatum; quia non habent rationem peccati, nisi secundum quod per unam voluntatem in unum peruersum finem ordinantur.* Ergo actus qui est cau-

A sa omittendi, & ipsa omissionis, unicum numero peccatum moraliter reputantur.

Ex quo inferes, quod licet actus, qui est causa omittendi, materialiter & in esse physico commissio sit, utpote actus realis & positivus; formaliter tamen & in esse moris, seu in ratione peccati, non debet dici commissio, sed omissionis. Ratio est, quia ut jam ostendimus, predictus actus constituit unum peccatum cum omissione: Sed peccatum per omissionem constitutum, absolute est peccatum omissionis, & non commissio: Ergo & actus qui est causa omittendi, moraliter & in esse peccati consideratus, non est commissio. Unde si absolute de predicto actu queratur, an sit omissionis vel commissio? congrue respondebitur esse commissio, & non omissionem. Si autem inquiratur, quodnam peccatum sit? respondendum est, esse peccatum omissionis, & non commissio.

139.

ARTICVLVS IV.

An omittens ex causa voluntaria, peccet non solum quando apponit causam, sed etiam quando de facto omittit?

C

§. I.

Præmittitur quod apud omnes est certum, & difficultas resolvitur.

SVPPONIMVS tanquam certum, quod omittens actum debitum peccat, cum voluntarie apponit causam omissioni culpabili, etiamsi de facto non sequatur omissionis: v. g. ille qui horam matutinam somno se tradit, prævidens quod non evigilabitur usque ad vesperam, subindeque quod sacram omittet, peccat cum voluntarie somno se tradit, eti fortè postea contingat ipsum ab aliquo evigilari, & sacram non omittere. Nam voluntas expressa omittendi actum debitum verè est peccatum, etiamsi de facto non subsequatur omissionis: sicut voluntas furandi, vel occidendi, peccatum est, quamvis de facto nec furtum, nec homicidium sequatur: Ergo pariter voluntas interpretativa aut virtualis omittendi actum debitum, peccatum erit, quamvis non sequatur omissionis de facto. Atqui (subsumo) qui dat causam omissioni culpabili, virtualiter & interpretativa vult omissionem: Ergo peccat cum dat causam omissioni culpabili. Unde solum difficultas est, an etiam peccet quando de facto ponitur ipsa omissionis: cum enim interdum non sit tunc sui compos, & careat usu rationis & libertatis, ut patet cum quis instante praecipito audiendi missam, dormit, vel ebrius est; videtur esse incapax peccandi, & ipsa omissionis non videtur posse esse in seipso formaliter peccatum, sed duntaxat in sua causa, in qua est voluntaria. Ita sentiunt ex antiquis D. Bonaventura, Aenfis, Major, Paludanus, & ex Recentioribus Curiel, Vazquez, Granado, & alijs. Nihilominus

Dico: Omisso in somno contingens, verè imputatur ad culpam, tempore que instat praecipuum, & non solum est effectus peccati. Ita communiter docent nostri Thomistæ, quibus subscribunt Suarez, Valentia, Salas, Lorca, & plures alii. Probatur primò conclusio authoritate divi Thomæ, qui eam pluribus in locis docet, presertim 2. qu. 79. art. 3. ad 3. his verbis: *Dicunt*

140.

DISPUTATIO TERTIA

392

quidam quod tunc incipit peccatum omissionis, quando aliquis se applicat ad actum illicitum & incompositibilem cum illo actu ad quem tenetur. Sed hoc non videtur verum: quia dato quod excitaretur per violentiam, & iret ad matutinas, affert in exemplum aliquem qui sero se inebriavit, & non potest surgere ad matutinas, ut debet) non omittet: unde patet quod procedens inebriatio non fuit omisso, sed omissionis causa. Vnde dicendum est, quod omisso incipit ei impunitari ad culpam, quando fuit tempus operandi, tamen proper causam precedentem, ex qua omissione sequens redditur voluntaria. Quibus verbis S. Doctor non solum conclusionem nostram expedit, sed etiam rationem fundamentalem ipsius insinuat. Nam ut aliquid sit in se formaliter peccatum, sufficit quod indirecte & in sua causa liberum & voluntarium sit: Sed omissione sacram, contingens in somno, indirecte & in sua causa voluntaria est; cum supponamus omittem, quando se somno dedit, illant prævidisse: Ergo illa in se formaliter peccatum est, subinde que omittens non solum peccat quando apponit causam, sed etiam quando de facto omittit, et si tunc dormiat, & sui compos non sit. Minor & Consequentiae patent: Major autem, in qua est difficultas, variis exemplis declaratur & suadetur. In primis enim pollutio nocturna in somno contingens, licet non sit in se formaliter libera & voluntaria, quia tamen est libera & voluntaria in sua causa, putat in turpi cogitatione, vel in tactu impudico, aut alio consimili actu, peccatum est, ut docet S. Thomas 3. p. qu. 80. art. 7. Item si quis voluntarie se inebriet, aut somno committat, prævidens quod in ebrietate vel in somno faciet homicidium, non solum peccat quando dat causam, sed etiam quando de facto occidit, quamvis tunc nullam habeat libertatem formalem: quia scilicet talis occisio in sua causa libera & voluntaria est: unde si occidat clericum, manet excommunicatus, ut docent Glossa in cap. *Mulieres de sentent. excom.* Paludanus in 4. dist. 18. qu. 3. art. 2. Sylvester verbo *excommunicatio* num. 3. & alij. Similiter si virgo eo animo se inebriet, aut somno committat, ut ebria vel dormiens à viro defloretur, non solum peccat quando se inebriat, vel somno committit, sed etiam in ipsa defloratione; cum per illam amittat irreparabiliter virginitatem, que extra matrimonium non nisi per peccatum amittitur, ut docet S. Thomas 2. 2. qu. 252. art. 3. & in 4. dist. 33. qu. 3. art. 1. Denique quando aliquis peccat ex ignorantia, actus peccati est solum indirecte voluntarius, & in sua causa, nempe in ignorantia: Ergo ad peccatum sufficit voluntarium indirectum & in causa.

42. Confirmatur: Non plus voluntarij requiritur ad peccandum, quam ad merendum, vel ad validem recipendum aut conficiendum sacramentum: Sed ad merendum, & ad recipiendum aut conficiendum validem sacramentum, sufficit voluntarium indirectum & in causa: Ergo & ad peccandum. Major patet: Minor probatur quod primam partem. Martyr in instanti mortis meretur coronam martyrij, aut saltē in eo instanti in quo vulnus lethale recipit, in quo tamen mortalities potest esse privatus rationis usu ex inficto vulneri; ex ea autem meretur, quia voluntarie sustinuit sibi vulnus illud infligi: Ergo ad merendum sufficit voluntarium indirectum & in causa. Quoad secundam partem etiam suadetur:

A Si aliquis habeat intentionem suscipiendi baptismum, & ea non retractata incidat in amentiam, & sic baptizetur, validum recipiet sacramentum, & verè baptizatus erit. Item Sacerdos, qui animo celebrandi accedit ad altare, & mente distractus, ac sine advertentia, verba consecrationis profert, verè conficit sacramentum, ut communiter docent Theologi; & nihilominus illa prolatio non est formaliter libera in se, sed tantum virtualiter vel in causa, quia libertas formalis nequit esse sine formalis advertentia: Ergo ad validem recipiendum vel conficiendum sacramentum, sufficit voluntarium indirectum & in causa.

Probatur secundò conclusio ex duplice absurdio & inconveniente, quod sequitur ex adversa sententia. In primis enim si omittere sacram tempore somni ex causa voluntaria, non esset in se formaliter peccatum, sed duntaxat peccati effectus, non esset etiam peccatum velle sic omittere, & talem omissionem desiderare: Sed hoc dici nequit: Ergo nec illud. Minor patet, Sequela Majoris probatur. Effectus peccati, qui in ipsis peccata non sunt, sed tantum in sua causa, licet possint desiderari; licet enim mulier, qui per adulterium concepit, desiderare partum, quamvis sit effectus peccati adulterii, & peccatum in illo. Item licet ei qui contra Ecclesiæ præceptum comedat carnes feriæ sexta, desiderare nutriti ex illis & augeri, quamvis hujusmodi nutritio & augmentatione sint effectus confectionis peccaminorum: Ergo si omissione sacram, tempore somni ex causa voluntaria contingens, non sit in se formaliter peccatum, sed tantum effectus peccati, licet desiderari poterit.

Deinde si talis omissione non esset in se formaliter peccatum, sed tantum in sua causa, non esset necessarium illam in confessione explicare, sed sufficeret exprimere causam ex qua secuta est: At hoc dici nequit, cum sit contra communem usum & penitentium timorata conscientia, & primum Confessariorum, qui de hujusmodi omissionibus externis, post manifestationem effectuum, solent interrogare penitentes: Ergo &c.

Probatur tertio conclusio: Si esset lata excommunicatione adversus eos qui non audiunt missam in die festo, nullus eam incurrit propter solam volitionem non audiendi, nec propter solam causam appositionem, sed tantum quia tempore quo obligat præceptum, non ponet actum debitum, seu non audiret sacram: Ergo cum excommunicatio incurrit propter peccatum complerum, consummatum, & perfectum, tunc esset formaliter & complete peccatum omissionis, non verè quando voluntarie ponetur causa illius.

E Denique suaderi potest conclusio: Iste actus, Volo omittere sacram in die festo, cum fuerit somno aut ebrietate corruptus, malus & peccaminosus est: Ergo & ipsa omissione sacram, in somno aut ebrietate voluntaria contingens, peccaminosa erit. Antecedens est certum: Consequentia vero probatur. Bonitas & malitia actus voluntatis, dependet ex objecto, seu ex re volita; unde repugnat aliquem actum voluntatis habere malitiam, nisi res, directe vel interpretative volita, mala sit: Sed objectum hujus actus, Volo omittere sacram in die festo, cum fuerit somno aut ebrietate corruptus, est ipsa omissione sacram, in somno aut ebrietate voluntaria contingens: Ergo

DE PECCATO COMMISSIONIS ET OMISSIONIS. 393

Ergo si talis actus sit malus & peccaminosus, A ipsa quoque omissione sacri in somno aut ebrietate voluntaria contingens, mala & peccaminosa erit, subindeque peccatum, & non solum peccati effectus

S. II.

Solvuntur objectiones.

147. **O** BJECTIES primò: De ratione actualis peccati est libertas actualis: At omissione in somno eveniens, non est actualiter libera: Ergo nec actuale peccatum. Major videtur certa: quia peccatum eatus est peccatum, quatenus est voluntarium & liberum: Ergo nequit esse actuale peccatum sine libertate actuali. Minor autem probatur multipliciter. Primò illud est actualiter liberum, quod est actu in hominis potestate quoad esse & non esse: At omissione in somno non sic subjicit homini potestate: Ergo non est actu libera. Secundò, Absque actuali iudicio rationis non stat actualis libertas: At in somno non est actu iudicium rationis: Ergo nec est libertas actualis. Tertiò, Libertas non convenit intrinsecè omissioni exteriori, sed extrinsecè per denominationem ab actu interiori voluntatis intrinsecè libero: At in somno nullus existit actus voluntatis interior, intrinsecè liber: Ergo nec omissione exterior esse potest actu libera per denominationem extrinsecam.

148. Respondeo distinguendo Majorem: de ratione actualis peccati est libertas actualis, in se vel in causa, concedo Majorem: in se semper, nego Majorem: ut enim in prima probatione conclusionis ostendimus, & variis exemplis declaravimus, ut aliquid sit formaliter & actualiter peccatum, sufficit quod indirectè & in sua causa voluntariū sit & liberum. Similiter distinguo Minorem: omissione in somno eveniens non est actualiter libera, in se, concedo Minorem: in sua causa, nego Minorem. Ad cuius primam probationem, quatenus distinctioni traditae obstat potest, respondeo veram esse Majorem de actu libero in se, falsam autem de libero solum in causa; ad hoc enim sufficit fuisse in hominis potestate ponere & non ponere causam, etiā causā semel posita non subsit ejus potestati quoad esse & non esse: cum enim haec impotentia ex causa homini libera & voluntaria oriatur, obstat nequit actualiter libero in causa, etiā obstat actualiter libero in se.

Ad secundam probationem distinguo Majorem: absque actuali iudicio rationis non stat actualis libertas, in se, concedo Majorem: actualis libertas in causa, & per denominationem ab illa, nego Majorem; ad hunc enim modum libertatis sufficit praecellere iudicium indifferens ad liberam volitionem cause: & concessa Minori, distinguo Consequens distinctione Majoris.

Ad tertiam concessa Majori, distinguo Minorem: in somno nullus existit actus interior voluntatis, existentiā physicā, concedo Minorem: existentiā morali, nego Minorem, & Consequentiam. Nam licet actus voluntatis, quo fuit volita causa omissionis, non existat physicè in somno, existit tamen moraliter, quatenus prius extitit, & retractatus non est, & ab illo sic existente denominatur omissione peccaminosa & libera per denominationem extrinsecam.

149. Instabis: Ex hac doctrina & solutione sequitur omissionem contingentem in somno, solum

esse peccaminosam in causa, non vero in seipso: Sed hoc non est dicendum, alias incidemus in sententiam quam impugnamus, cum Adversarij non negent talenm omissionem esse peccatum in causa, sed tantum in se ipso: Ergo &c. Sequela Majoris probatur: Eatenus aliquid est peccatum, quatenus est voluntarium: Ergo si omissione contingens in somno non sit voluntaria in se, sed in sua causa, non erit peccaminosa in se, sed tantum in causa.

150. Respondeo distinguendo sequelam Majoris pro seconda parte: sequitur esse peccaminosam solum in causa, non vero in seipso, à se, concedo sequelam: non vero in seipso, à causa denominante, nego sequelam Majoris; & sub eadem distinctione Minoris, nego Consequentiam.

B Magnum igitur inter nostram & Adversariorum sententiam discrimen intercedit: Adversarij enim taliter docent omissionem esse peccaminosam in causa, quod denominatio peccati ficit in causa, nec transeat à causa ad omissionem in se, secundum quod à statu intra causam distinguitur: nos vero non ita, sed dicimus denominationem peccati non fuisse in causa, sed transire ad omissionem in se, hoc est quatenus à causa distinguitur; non ita quod ipsi in se convenient malitia à se, sed quod ipsi convenientia malitia in se, dependenter à causa, in qua libera & voluntaria est.

C Objicies secundò, & simul instabis contra præcedentem doctrinam: Non minor libertas requiritur ad peccandum, & demerendum, quam ad merendum: Sed ad meritum non sufficit libertas in causa; alias possit dormiens, per actum quem ex causa voluntaria exercet, in somnis mereri: Ergo neque hujusmodi libertas sufficit ad peccandum.

D Respondeo concessa Majori, negando Minorem: nam etiam ad meritum sufficit libertas virtualis & in causa, si detur respectu actu boni: David enim dum actu vulneravit lapide Philisthem, actu meruit, etiamq; infixio illius vulneris non fuerit ei libera in se ipso, sed tantum in sua causa, nempe in emissione lapidis; semel namque jacto lapide, non amplius fuit in potestate eius Philisthem non vulnerare. Eodem modo si quis dormiens exerceat ex causa voluntaria actu circa bonum objectum, nullà circumstantia vitium, & qui in vigilia fuerit per se intentus, satis probable est posse talēm actu denominari bonum & meritorium extrinsecè à bonitate & merito ipsius causæ, ut insinuat S. Thomas qu. 28. de veritate art. 3. ad 7. Si quis etiam se traheret somno, cum voluntate patiens martyrium, & postea durante somno in odium fideli occideretur, tunc mereretur coronam martyrij, quia intentio illa morienti pro Christo, moraliter tunc perseveraret, neque per somnum intertumperetur.

E Objicies tertio: Si ebrius aut dormiens ratio- ne actu præcedentis possit in somno & ebrietate peccato commissionis aut omissionis peccare, poterit etiam sacerdos ebrius aut dormiens confidere sacramentum, si ante somnum aut ebrietatem habuerit intentionem consecrandi, & faciendo quod facit Ecclesia: Sed hoc videtur absurdum: Ergo & illud. Sequela probatur: Non minor requiritur libertas ad peccandum, quam ad confidendum sacramentum: Ergo si libertas in causa sufficiat ad peccandum, sufficit etiam ad validè consecrandum:

D d d

Tom. III.